



## **HŁOWNE WUSTAWKI GMEJNY CHRÓSĆICY**

Na zakładze § 4 wotst. 2 w zwisku z § 28 wotst. 1 Gmejskeho porjada Swobodneho stata Sakskeje w stajnje płaćiwej formje je gmejnska rada gmejny Chrósćicy dnja 21.09.2017 z wjetšinu hłosow wšitkich člonow gmejskeje rady slědowace hłowne wustawki wobzamknyła:

### **PRĚNI DŽĚL ORGANY GMEJNY**

#### **§ 1 Organy gmejny**

Organaj gmejny staj gmejnska rada a wjesnjanosta.

### **PRĚNI WOTRĚŽK GMEJNSKA RADA**

#### **§ 2 Prawniske stejišćo a nadawki gmejskeje rady**

Gmejnska rada je zastupnistwo wobydlerjow a je hłowny organ gmejny. Wón mjenuje so gmejnska rada. Gmejnska rada zapołoži zakłady zarjadnistwa gmejny a rozsudza wo wšitkich naležnosćach gmejny, dalokož njeje wjesnjanosta na zakładze zakonjow za to zamołwity abo jemu gmejnska rada wosebite naležnosće njepřenjese. Gmejnska rada kontroluje zwoprawdženje svojich wobzamknjenjow a stara so při njedostatkach w gmejnskim zarjadnistwje wo wotstronjenje tutech přez wjesnjanostu.

### **§ 3 Zestawa gmejskeje rady**

- (1) Gmejska rada wobsteji z gmejskich radźićelow a wjesnjanosty jako předsydu.
- (2) Po stawje z dnja 31.12.2016 ma gmejna 1.038 wobydlerjow. Ličba gmejskich radźićelow so z tym po § 29 wotst. 3 SächsGemO na 12 postaji.

### **§ 4 Poradźowace wuběrki a jich nadawki**

Wutworja so slědowace poradźowace wuběrki:

1. Zarjadniski wuběrk
2. Techniski wuběrk
3. Wuběrk za kulturu, młodžinu, sport, šule a socialne

### **§ 5 Nadawki zarjadniskeho wuběrka**

W zamołwitosći zarjadniskeho wuběrka leža slědowace wobłuki nadawkow:

1. personalne naležnosće, powšitkowne zarjadniske naležnosće
2. finančne a hospodarske nadawki, zapřijawši naležnosće wotedawkow
3. zarjadnistwo gmejskich ležownosćow
4. prawo

### **§ 6 Nadawki techniskeho wuběrka**

Přislušnosć techniskeho wuběrka wopřija slědowace nadawkowe wobłuki:

1. planowanje twarskeho nawoda a twarow (wysoko- a hłubokotwar; wuměrjenje),
2. zastaranje a wotstronjenje,
3. nadržne wobswětlenje, techniske zarjadnistwo dróhow, twarskeho dwora, jězdźidłow,
4. wobchadne zarjadnistwo,
5. wohnjowoborne naležnosće kaž tež katastrofowy a ciwilny škit,
6. porjad a wěstota,
7. techniske zarjadnistwo gmejskich twarjenjow,
8. wobswětoškit, hładanje krajiny a wobhospodarjenje wodžiznow.

## **§ 7 Nadawki wuběrka za kulturu, młodžinu, sport, šule a socialne**

Přislušnosť wuběrka za kulturu, młodžinu, sport, šule a socialne wopřija slědowace nadawkowe wobłuki:

1. kulturelne naležnosće,
2. šulske naležnosće,
3. socialne a strowotniske naležnosće,
4. naležnosće w zmysle zakonja wo dźěćacych dnjowych přebywanišćach
5. młodžinske naležnosće
6. dźěło z młodžinu a sport
7. wobhospodarjenje zarjadnišćow wólnočasneje zaběry

## **DRUHI WOTRÉZK WJESNJanOSTA**

### **§ 8 Prawniske stejišćo wjesnjanosty**

- (1) Wjesnjanosta je předsyda gmejskeje rady. Wón zastupuje gmejnu.
- (2) Wjesnjanosta je čestny zastojnik na čas. Jeho hamtska doba traje sydom lět.

### **§ 9 Nadawki wjesnjanosty**

- (1) Wjesnjanosta je zamołwity za wěcywustojne spjelnjenje nadawkow. Wón spjelnja w swójskej zamołwitosći jemu po zakonskich předpisach abo wot gmejskeje rady přenjesenych nadawki, dalokož nje za to přislušny Zarjadniski zwjazk "Při Klóšterskej wodže".
- (2) Wjesnjanosće přepodadza so slědowace nadawki, kotrež maja so stajnje spjelnjeć, dalokož njejedna so hižo wo nadawki běžneho zarjadnistwa a dalokož njehodža so we wobłuku budgeja kryć:
  1. wobhospodarić srědki po hospodarskim planje gmejny hač do 10.000 eurow w jednotliwym padže,
  2. přizwolić nad- a zwonka planowe wudawki a plaćomne wudawki hač do 3.500 eurow w jednotliwym padže,

3. přistajíc, pomjenować, powyšíc a pušćíc přistajenych, pomocnych přistajenych, džělačerjow, kandidatow zastojnstwa, wučomnikow, praktikantow a dalše we wukubłanju stejace wosoby,
4. přizwolić bjezdawkowe dočasne wupłaćenje mzdow kaž tež podpěry a kreditow džěłodawarjow we wobłuku wot gmejnskeje rady wobzamknjenych směrnicy,
5. přizwolić přiražki, kotrež njejsu w hospodarskim planje wupokazane, hač do 1.000 eurow w jednotliwym padže,
6. wusadźić žadanja w jednotliwym padže hač do dweju měsacow w njewobmjezowanej wysokosci a hač do šěsć měsacow hač k maksimalnje 1.500,00 eurow,
7. cofnyć žadanja gmejny a pobić tajke žadanje gmejny, wjesć prawniske rozestajenja a wotzamknyc wurunanja, hdyž cofnjenje abo pobiće, hódnota rozestajenja abo při wurunanjach připrajenje gmejny w jednotliwym padže wjace hač 500,00 eurow njewučinja,
8. předawać a wěcownje počezować, kupować a měnjeć pódowe wobsydstwo abo pódže podobne prawa w knižnej hódnoće hač do 500,00 eurow w jednotliwym padže,
9. zrěčenja wotzamknyc wo wužiwanju ležownosćow abo mobilneho zamóženja hač k lětnej hódnoće wotnajeća abo přenajeća we wysokosci 2.000,00 eurow w jednotliwym padže,
10. předać mobilne zamóženje hač do 1.000,00 eurow w jednotliwym padže,
11. skazać wěstoty, přewzać rukowanja a zawjazki z rukowaćelskich zrěčenjow a wotzamknyc hospodarsce jim blisko stejace prawniske jednanja, dalokož wone w jednotliwym padže 2.500,00 eurow njepřesahuja.

(3) Wjesnjanosta ma wobzamknjenjam gmejnskeje rady znapřećiwić, hdyž je měnjenja, zo njewopowěduja prawnskimi postajenjam; wón móže jim znapřećiwić, hdyž je měnjenja, zo so na njedobro gmejny wuskutkuja. Znapřećiwienie ma so bjezposřednje, najpozdžišo w běhu jednoho tydženja po wobzamknjenju napřečo gmejnskimi radzićelami wuprajić. Znapřećiwienie ma skutownosć wotstorčenja. Runočasnje ma so z podaćom přičinow znapřećiwienia zwołać posedženje, w kotrymž ma so naležnosć znowa wobzamknyc; tute posedženje ma so najpozdžišo štyri tydženje po přěnim posedženju wotměć. Hdyž so po měnjenju wjesnjanosty tež

nowe wobzamknjenje zakonjej spřećiwja, ma wón znowa znapřećiwic a bjezposřednje rozsud prawniskeho dohladowanskeho zarjada wo prawosći docpěć.

## **§ 10 Zastupnistwo wjesnjanosty**

Gmejnska rada wuzwoli z jeje rjadow jednoho abo wjacorych zastupjerjow wjesnjanosty. Zastupnistwo wobmjezuje so na pady zadžěwanja wjesnjanosty.

## **DRUHI DŽĚL**

### **SOBUSKUTKOWANJE WOPYDLERJOW**

## **§ 11 Wopydlerška zhromadźizna**

Wopydlerška zhromadźizna po § 22 SächsGemO ma so wotměć, jeli wopydlerjo za to próstwu staja. Próstwa ma so z pomjenowanjom wuradźowaceje naležnosće pisomnje zapodać. Próstwa ma być wot znajmjeńša 10 procentow wopydlerjow, staršich hač 16 lět, podpisana.

## **§ 12 Próstwa wopydlerjow (wopydlerška próstwa)**

Gmejnska rada ma gmejnske naležnosće, za kotrež je wona zamołwita, w běhu třoch měsacow wobjednawać, jeli su wopydlerjo za to próstwu stajili. Próstwa ma so pisomnje z pomjenowanjom wuradźowaceje naležnosće zapodać. Próstwa ma być wot znajmjeńša 10 procentow wopydlerjow, kotřiž su 16. žiwjenske lěto zakónčili, podpisana.

## **§ 13 Požadanje wopydlerjow**


Za přewjedženje wopydlerškeho rozsuda po § 24 SächsGemO móže so wot wopydlerjow gmejny pisomnje próstwa stajic (wopydlerške požadanje). Wopydlerške požadanje dyrbi być wot dźesać procentow wopydlerjow gmejny podpisane.

**TŘEĆI DŽĚL**  
**DALŠE PŘEDPISY**

**§ 14 Nabyće płaćiwosće**

Tute wustawki nabudu džeń po jich zjawnym wozjewjenju płaćiwosć. Runočasnje zhubja hłowne wustawki gmejny Chrósćicy w formje z dnja 02.10.2009 kaž tež 1. změna hłownych wustawkow w formje z dnja 19.11.2010 swoju płaćiwosć.

Chrósćicy, dnja 21.09.2017



Kliman

wjesnjanosta